



取胡氏刻刊本勘之可增補三百餘字得者勿輕視之





明姜清撰清弋陽人正德辛未進士官至尚寶司
少卿自靖難之後建文一朝事蹟大抵遺失是書



於故案文集搜輯遺聞編年紀載至於地道出亡
等事則未嘗載及紀錄頗見精核案明史彙例議
辨野史所載建文元年二月燕王來朝行御道登
陛不拜為御史曾鳳韶所劾以為必無之事而是
書載鳳韶劾燕王事云本吉安府志又證以南京
錦衣百戶潘瑄貼黃冊內載校尉潘安三月二十
三日敘撥隨侍燕王還北平陸坐云云據此則來

朝明矣第不知所云潘瑄貼黃者果足徵信否也
又世傳王良於成祖入城前一日與胡靖解縉集
吳溥舍靖縉陳說慷慨良流涕而已其後獨良死
節是書載其事而辨之以為良家譜載良以建文
辛巳九月卒上遣黃觀諭祭未嘗及成祖之來也
其言似乎可據然革除之際誅鋤異己凡効忠於
建文者皆禍及子孫安知王氏家譜非為宗族之
計諱其死難以自全未必遽為定論明史良傳仍
用前說蓋必有所考也

姜氏秘史

皇帝諱允炆字

太祖高皇帝嫡長孫初

太祖從滁陽王日侍左右王夫人善觀謂太祖

風格異常語王妻以養女馬氏周旋兵間生五子長
諱標幼有異質聰明英毅豁如也稍長師事宋濂通
經史大旨洪武戊申

太祖即位於南郊既還宮受賀遂追尊四祖為皇帝
冊立馬氏為皇后長子標為皇太子大赦天下洪武
十五年高皇后崩太祖倦勤命皇太子裁決庶
政惟軍國重務以聞于是皇太子日御文華殿百官

啟事寬仁有斷臣工盡服歲餘 太祖復親政時有
告密者以晉王櫛逆謀聞 太祖遣人察之藏兵五
臺山反形已具 太祖大怒欲發兵討之皇太子曰
櫛反期尚遲告密者櫛未必知今以兵往萬一櫛拒
命是父子為敵也莫若令臣巡邊因與俱來

太祖大悅于是皇太子出巡歷燕代及晉居泃旬歡
甚皇太子行晉王送及河南界皇太子曰父皇欲見
汝可偕行晉王倉惧受命遂從至京 太祖欲賜之
死皇太孫叩頭乞哀乃降為庶人居京師皇太子友
愛彌篤日誨諭之晉王大悟日夜號泣悔罪 太祖

憐之赦復爵晉王于是改行為善令譽日著此還國
卒為賢王皇太子之教也洪武七年秋九月貴妃薨
十一月一日孝慈錄成 太祖既裁定喪禮太子當
服齊衰杖期太子曰在禮惟士為庶母服總大夫以
上為庶母則無服又公子為其母練冠麻衣既葬除
之蓋諸侯絕期以下無服諸侯之庶子雖為其母亦
厭于嫡母而不得伸其私故杖為此制也然則諸侯
之庶子不為庶母服也明矣今 陛下貴為天子臣
雖不肖地居嫡長幸得備位儲副而為庶母服期非
所以敬宗廟明正體重繼世也 上必欲太子服之

太子終不奉詔 上大怒 願取劍太子走 上逐之
群臣震驚皆不知所為 時有桂彥良當 上前跪抱
上泣曰 陛下之于太子愛之深 故責之重也 上
為之止 彥良乃追太子及之 諫曰 貴妃違事至尊 殿
下當緣君父之情 為之制服 不可執小礼以虧大孝
也 乃持衰衣之太子 不得已乃服 以拜謝 上怒解
擲劍于地 曰 老桂爾今日竟能知朕父子者矣 洪武
二十四年 太祖以江南地薄 頗有遷都之意 八月
命皇太子往視 關洛皇太子志欲定都洛陽 歸而獻
劄 明年四月 以疾薨 太祖哭之慟 追謚為懿文皇

太子葬孝陵之次 時 太祖春秋六十有五 日御東
角內門向羣臣泣 翰林孝士劉三吾進曰 皇嫡長孫富
于年蚤定大計 孰不歸心 皇太子生六子 長曰雄英
洪武十五年卒 追封虞王 謚曰怀次 曰允 及洪武九
年生 聰明英達 二十九年立 允 故為太孫 九月也 詔曰
曩古列聖相繼 馭宇者首立儲君 朕自甲辰即王位
戊申即帝位 于今二十九年矣 搃將練兵 卒天下亂
偃天下兵 奠萬民于田里 用心多矣 及一統以來 除
奸暴去豪強 亦用心多矣 近來蒼顏皓首 儲嗣為重
嫡孫允 故以九月十三日冊為皇太孫 嗣奉上下神

祇以安民度詔告臣民想宜知悉于是命禮部定親王相見儀凡親王係尊屬于文華殿朝見行四拜禮皇太孫坐受禮畢入宮乃叙家人禮制既定親王從之多不悅時太祖春秋高政務嘗付太孫裁決太孫頗尚寬仁兆民欣之固不愛戴洪武三十一年五月乙酉太祖崩遺詔皇太孫嗣位詔曰朕受皇天之命膺大命于世定禍亂而偃兵安民生于市野謹撫馭以膺天命今三十一年矣憂危積心克勤不怠尚志有益于民奈何起自寒微無古人博志好善惡惡通不及多矣今年七十有一筋力衰微朝夕危懼

惟恐不終今得萬物自然之理其奚哀念之有皇太孫允炆仁明孝友天下歸心宜登大位以勤民政中外文武臣僚同心輔佐以福我民凡喪葬之儀一如漢文勿異布告天下使明知朕意孝陵山川一因其故無有所改一天下臣民令到出臨三日皆釋服嫁娶飲酒食肉皆無禁一無發民哭臨宮殿中當臨者皆以旦晡十五率哀禮畢罷非旦晡臨無得擅哭一當給喪事及哭臨者皆無洗紼帶無三寸無布車兵器一諸王各于本國哭臨不必赴京中外官軍戍守官負無得擅離信地許遣人至京一王國所在文武

衙門官民軍士今後一聽朝廷節制護衛官軍王自
處分一諸王不在令中者皆以此令比類從事明日
皇太孫令禮部定喪儀羣臣上議曰在京府部等官
聞喪次日素服烏帽黑帶赴廷聽遺詔遂于本衙門
素服齋宿朝晡詣几遙哭仍各置素服第四日成服
朝晡哭臨葬畢乃止自成服始二十七日除命婦亦
以第四日具哀服由西華門入哭不許金銀首飾諸
王世子郡主妃及郡王內使宮人等俱斬衰三年自成
服二十七日除凡臨視事棄服烏帽黑帶退朝服衰麻
衫大袖員領不緝紗帽麻衣布裹之去翅垂帶麻經鞵

命婦麻長初大袖員領麻布蓋頭器依鹵簿名數工
部及司禮監等處造神主用栗木制依家禮遣人
奉詔于各布政司及直隸府州開讀詔書文武官員
人等素服烏帽黑帶四拜跪聽奉哀四拜禮畢各置
衰服第四日成服每旦官僚人等于本衙門朝闕設
香案哭臨三日除大小衙門各令官一員赴京致祭
禮物備辦皇太孫從之庚寅葬孝陵

十六日皇太孫允炆即皇帝位 十八日詔以明年
為建文元年大赦天下 詔曰天祐下民作之君我
高祖皇帝受天之命統有萬邦宵衣旰食弘濟斯

民凡事有益于天下者無所不用其心政教休明規模宏遠朕以眇躬纂承大統恭依遺詔于洪武三十一年閏五月十六日即皇帝位夙夜惶惧思所克相上帝寵綏四方以無忝我皇祖之大命永惟寬猛之宜誕布維新之政其以明年正月初一日為建文元年大赦天下自洪武三十一年閏五月十八日昧爽以前大辟罪以下已發竟未發竟已結正未結正當赦而不原者咸赦除之敢有以赦前事相告以其罪罪之所有事宜條利于後一天下布政司府州縣自洪武三十一年以前拖欠錢糧鹽運司鹽課提舉司

自洪武三十一年以前拖欠鹽課盡行蠲免一天下軍民所養孳牲馬匹羊隻者盡皆免一天下田土或有人戶為事全家發充軍者或有死絕者或因飢窘逃移者以致拋荒數多糧稅拖欠詔書到日將拋荒數目從寬取勘報官開除其逃移人戶復業耕種者優免雜泛差役三年一水旱災傷何代無之今天下人民其有因而失所者當該有司將預備糧賑給一今後官民有犯五刑者一依大明律科斷法司遵守無濫文一軍民詞訟今後務要自下而上陳告敢有越訴紊亂者罪一囚徒已行宥罪發衛所充軍守禦者

及已編定衛所有司官領未會到衛所者不在赦例
一天下衛所在逃者詔書到日限五箇月以裏赴所
在官司首告与免本罪所在官司仍給口粮遞送京
衛所着後過違此月仍罪如初于戲德惟善政：在
養民當遵先聖之言期致雍熙之盛百辟卿士体朕
至怀故茲詔示想宜知悉

十九日至宜山縣得勝馬驛改宜陽水驛為水馬驛
二十一日詔内外五品以上文官及州縣正官各奉
所知 先是内外缺官于進士奉人監生人材秀才
孝廉稅戶考滿吏員知印承差除用至此定保奉法

不問下僚鄉民及因累充軍者或多或少悉聽保奉

吏部選用 六月上大行皇帝謚曰高皇帝庙號

太祖追謚孝慈皇后曰 高皇后台漢中府李教授

方孝孺為翰林院侍讀李士 孝孺字希直一字希

古台州寧海人世家侯城里父克勤受易重彝得伊

洛之季長子孝聞季孝友孝孺仲也孝孺始生之夕

有木星墮其所自幼穎敏絕倫双眸炯如電日讀

書積尺人以其善屬文呼為小韓子十五年時從父

為濟寧知府目達現于鄒魯間訪古聖賢遺跡慨然

自期日顏閔未可幾及樊遲冉有使季同時豈皆讓

之但世無孔子不得所依歸耳自是精思力踐進修
不已越三載克勤被繫請以身代不報竟戍江浦未
幾復逮至京卒孝孺哀毀骨立思自奮以昭先德明
年以文謁宋濂、涂器之名流先進如胡翰蘇伯衡
葉光大輩皆自以為不及濂致仕還浦復往卒業四
載辭歸濂尋以罪徙蜀孝孺欲往省行得為文願天
願輸壽以延之濂嘗欲以為甥而不果亟其文至曰
歐陽少師蘓長公姑置勿論其餘諸子与之角逐文
場不知其孰為先後也然孝孺下視文藝恒以明王
道為已任及人或稱其文辭則告以孝者當以道德
為本文詞非所尚反覆明辯不已謂道之行必先于
家著宗範九篇以示厥宗蓋自任以天下之重也闢
異端為已任進德所詣月異而歲不同世咸以為程
朱復出嘗臥病絕糧家人以告笑曰古人有三旬九
食瓶無儲粟者窮者豈獨我哉其不為貧窶所動如
此洪武十五年吳沉揭樞等荐孝孺可大用聘至入
見稱旨 上謂樞等曰孝孺孰与汝对曰十倍于臣
錫之几稍敬必正而後坐 上喜其奉動端正謂太
孫曰此莊士也當者其才以輔汝試灵芝甘露論称
旨諭遣还家二十年復辟至 上方重賞爵以其心

存教化謂左右曰今非用孝孺時乃權將仕佐郎漢
中府孝教授明年閏四月抵任漢中府水土暴惡病
瘿痿者十人而五孝孺安之甘蔬糲飯與諸生設道
不倦視其色若飫萬鍾者二十七年春蜀獻王延之處
以賓師恒曰四方先生古之賢者也孝孺每見必以仁
義道德陳于前王喜甚使人講經論文無虛晷為名
其讀書之廬曰正學當時蜀治依于禮樂諸王莫及
孝孺之功也久于蜀因得訪宋濂墓恤其遺孤癸丑
西子投父應天府至是首加台用一時倚之上好
讀書每有疑即召使講解臨朝奏事臣僚面議可否

必命孝孺就宸前批答言聽諫行不愧昭烈孝孺嘗
作書事詩曰斧宸臨軒凡覲間春風和氣滿老顏細
聽天語揮毫久携得香烟兩袖迎風軟彤庭寒尚薄
御爐香繞玉闌干黃門忽報文淵閣天子看書召講
官其相與如此靖難兵入自分必死乃作絕命詞畧曰
天降喪亂兮莫知其由奸臣得計兮謀國用猶忠臣
分庶不我尤既而姚廣孝荐之草詔文廟遣召數
回竟以衰服往投筆慟哭不能止文廟不悅而詔
之辭益厲既而曰若祔周公成王安在命割其舌孝

二 焚憤 血泪交流 以死殉君兮抑又何求嗚呼哀哉

孺舍血犯御座 文廟大怒磔之訾至死遂誅其宗
親八百四十七人林氏墓後 仁廟嘗与近臣
論及曰孝孺是箇忠臣永樂二十二年十一月御書
付礼部尚書呂震建文中奸臣正犯已受顯戮家屬
初發教坊司錦衣衛浣衣局并習匠及功臣家為奴
今有存者既徑大赦可宥為民給还田宅于是惟一
子婦得歸还族即其故居立祠祀之成化中寧海知
縣宜春郭紳復新其祠取所著遜志齋集四十卷捨
遺十卷梓行于世又有周礼考次大易枝辞武王戒
書註帝王基命錄文統宋史要語諸書皆逸不傳正

德間遺族方主祠事初孝孺被召入京王叔英預以
書告之曰天下事有可行于今者有行于古者難行于
今者可行者行之則人之從之也易而樂其利難行
者行之則人之從之也難而受其患此用世所以貴時
措之宜也孝孺好古故叔英及之建文中改舊制求
天下利弊而欲新之請雜兵起日召之謀議詔檄多
出于孝孺嘉靖初南京兵部郎中永豐夏尚朴讀其遺
文歎其詞義雄偉不讓歐蘓惜其說理虛無着于庭
意其致用亦然斯言得之說者又謂孝孺与景隆父
子交誼甚篤景隆帥師北伐寔由孝孺既而兵敗漸

有異志人多知之告于帝。帝雅信孝孺遂不復疑卒成南門之交蓋不免于誤國云

記曰夷齊採薇子路結纓其志烈矣然其從容就義乃得處死之道後世遂有不勝其憤肆詬訾以召奇禍者孝孺負剛毅之氣奮雄博之辨致使不能窮詰故其受禍之慘極于一時君臣三代以來所未有也後十餘年文廟言及輒足頓憤不能卒其當時論可知夏進士過孝孺祠題云一箇為忠九族亡全身遠害亦天常夷齊死後君臣薄力于君王繼首陽君子以為然

鄭居貞徽州人父潛有文名國初歷仕潞

潞一州同

知洪武中居貞以明經奉授鞏昌府通判陞禮部郎

中甚見重高祖時至河南布政司在叅政以永樂

初坐累死于南京有閩南集關隴行藁歸來藁隨松

庭藁子孫因由住居福建瓜山方孝孺之為漢中教

授也居貞以詩送之孝孺亦嘗贈之文謂其為叅政

三年而去吏民以不能由為恨事在洪武二十三年

然其坐累歲月不可攷蓋亦因孝孺之故云

魏澤字彥思應天府溧水人有孝行累遷至刑部尚書先是燕邸南下姚廣孝請曰殿下至京須全方孝

孺殺此人則天下讀書種子絕矣 上納之既至
建文帝亡去遂召孝孺問曰我以周公匡成王而未
成王不在當議而立對曰殿下既以匡王室而未成
王不在當立成王之子忤旨固有滅十族等語 上
大怒即收捕其族党盡誅之澤是時謫為寧海典史
當捕方氏時悉力保護既免于辱且資以行資後遇
方孝孺故居賦詩曰筍与衝雨過侯城撫景令人感
慨生黃鳥向人空百轉青猿墮淚只三声山中自可
全高節天下难居是令名却憶令威千載後重歸華
表不勝情聞者壯澤之言

王祿字叔豐祖禕死國父紳自有傳祿少有志向從
孝方孝孺甚為所器許妻以女未及也嘗周卹其族
又嘗与孝孺表姪鄭珣至聚室門外求其遺骸葬不
可得卒逮繫 文皇帝念祖禕死國之功特從宥免
旦方嚮用也而祿以疾力辭讀書青嶠之下將終身
焉後輯方氏遺文為侯城集以傳世咸義之祿性至
孝初紳痛念父沒每食必斥魚味祿遵其教子孫相
承閱數十年不交事母丁如事其父送終尽礼三年
酒肉未嘗入于口孝向諶博士之從游者日衆郡邑
交重之所著有青岩藁正文纂金華賢達傳續文章

正宗卒年五十九門人私論曰孝莊先生
釋刺面正軍及囚從還鄉里 後洪武三十五年七
月復拘入伍

十二日草都察院司獄四員

十六日草天下陰陽李醫李衙門 群臣議其別無
別辭又所隸皆有司板籍為戶詔草之
五孝陵衛設經歷司

以黃子澄為太常寺卿

黃子澄名湜湜以字行袁州分宜人少從邑人歐陽貞
受易周與李受尚書清江梁寅受春秋博士負俊聲

游鄉校同舍避席推為高等嘗賦寒江把釣菡及枯
梅詩人爭誦之

洪武癸亥應貢入太孝明年定科奉之制中京闈鄉

試第二乙丑會試第一進士及第三授翰林院修撰尋

兼春坊官侍東宮講讀累遷太常寺卿皇太孫立諸王以
叔父之尊多不遜服一日太孫在東閣門召子澄告
曰諸王尊屬各擁重兵何以制之澄以漢平七國事
為對太孫喜曰得先生謀吾無慮矣及即位時周齊
湘代岷五府相繼煽動朝罷召子澄謂曰先生憶昔
者東閣門之言乎子澄曰不敢忘也然事幾甚密與

齊秦謀之時有告周王楠者遂遣李景隆往執之詞
連代湘齊三王徙代王于邊以兵圍湘王于荆王狼
狽自焚死執齊王擣囚之京師珉王榘降為庶人燕
王亦加譙讓朝廷以子澄為功褒賞之元年三月命
都督宋忠等練兵北方七月靖難兵起首以誅齊秦
及子澄為名耿炳文既敗詔以李景隆率兵百萬以
徃景隆自負文武才子澄授以指旻景隆依違而已
子澄甚憂之未幾景隆戰敗奔還京師赦不誅子澄
哭諫曰景隆出師無紀意在覲望不誅之以謝宗社
何以德將士不聽已而徐凱盛庸繼踵敗衄頽成等
皆降子澄撫膺大慟曰大事去矣萬死不足贖誤國
之罪矣乃賦一詩曰以志痛詩曰仗鉞曾登大將壇
貂裘遠賜朔風寒出師無律真見戲負國全身獨汝安
論將每時悲趙括攘夷何日見齊桓尚方有劍憑誰
借哭向蒼天幾墮冠聞者哀之尋用廷臣議詔謫齊
秦及子澄于遠方以快敵意其寔陰使之募兵也時
諸將獨守淮南而文廟之師渡江矣景隆開門迎謁
尋有詔執子澄等責之不服子澄遂死之命赤其族
一子逃難易姓為田經宥後乃復姓家湖廣之咸寧
至今不絕今有登進士科者嘉靖初授孝僉事印銑

命知府羅輅立祠祀之

成化間刑部尚書彭韶著哀江南詞曰臨江號名郡
住麗傳自昔豈不產異人為茲壯顏色云何百年間
不見有遺跡館人聞我言掩袂長太息扣之至再三
欲語還踉蹌為言有奸臣名字不記憶道是練伏頭

內台司

適遭陽九厄飛簡論魏曹戮

力自討

淚沾臆膠固不知幾祇

顧与逆

奇禍嬰六戚于事有始末賊子

請折一神考早謝世大孫推正嫡母祀廟平家元勳
戴帝室姻媼尽雄豪健鬪萬人敵隱然九鼎重

嫌隙一以開諛言

罔極居然尾不掉大都

勢耦因時有黃奉常輕佻故無匹伴讀

東室踪迹類叔文論事

造膝一旦剪侯王忽

何太急細人暗大体因隙此焉

漁陽動地來六軍

尽股粟奔公為司馬折衝乃其職堂正一旗誓書戾
紀律內則方夫子早季富徑術倚馬草檄文樞机方
密勿又有黃門陳自少稱英特五畝給緇黃异端恨
至骨餘者亦党人我今半遺失當其橫行時俱立萬
仞壁之死天靡他鼎鑊甘如蜜仰視三光明萬古常
昭晰俯視五岳尊神維賴以立父母豈不顧天常不

可易妻子豈不愛吾分自當遣寄語謝諸親業緣皆
宿積憤無我怨尤怨尤竟何益所貴賢士模萬段死
奚惜後來奸佞儒巧言自矜飾叩頭乞餘生無乃非
直筆簿書日埋 欲昏塞乍闌毛髮豎空拳哉
欲擊冰燈 夜長四壁虫声寂耿：不成寐此意誰
能識聖人順天命四海曉瞻日尔何守慙愚甘心致
族滅不覩解与胡乘時附風翌恩寵日月加 名重

簡冊

以平江縣知縣李彥回為徽州府知府 彥回字士
淵號內參具化府蕭田人父立誠奉李才為保德州

知州改應州左迂博白縣知縣坐事廢十六年復起
為歸安丞尋以事致大辟籍其家弟彥困戍遼東彥
回及祖七秀祖母郭氏母塗氏子善需並戍滇南比
至蜀惟彥回与祖母郭得存時遇赦不及彥回監送
者哀而釋之貧莫能还乃依鄉人定遠縣尹黃積良
遂從其姓更名礼祿郭為母未几積良去位乃依南
充縣丞于仲和其後閩中教授彥德政知彥回通尚
書荐為保寧府李訓導九載考績至京侍殿陸承願
問者四十日

高庙悅之擢知平江縣蒞仕甫十三月

高庙晏駕彥回捧香入臨給事中楊惟康等以文李
廉幹荐遂陞知府徽州彥回下車甫數月政教一新
士民咸悅明年為草除已歿以考覈稱朕蒙賞賚甚
厚其年冬郭氏卒當承重持服徽民汪侃詣闕奏乞
奪情終任不報彥回哀經赴闕疏其改姓歷官情罪
乞正明籍既入報可特宥為民尋復其官釋彥回遼
東之後彥回復上疏終制不許詔迂葬其祖母父母
畢即蒞郡視事每旦必哀奠如禮士民因名其山曰
太守山彥回自歷官以避難亡命更易姓名為非禮
恒懼不自安屢欲陳旨輒自籌曰祖母年既高萬

一蹉跌將托之何所隱忍二十餘年至是始得行其
志識者諱之後靖難兵起彥回奉命召募義勇至京
彥回至自遼東邂逅旅邸悲喜交集郡中士人曰
曾從善者偶聞而往賀焉彥回謂曹曰予荷朝廷再
造之恩此生再生不足以報萬一余固有以處之矣
到郡遺我弟歸以治家事余身許國他不卹也子其
為我述一詞以道我家顛末仍為索名筆書務本兩
字以遺之俾知孝弟為修身克家之道曹唯：因已
知彥回之必殉國矣未几復蒞郡會靖難師已渡江
彥回率義勇赴援而勢已不及 文廟繼統械至京

師不屈而死壬午十月十五日也時年四十七

二十四年草建昌府盱江漕運所南城縣藍田巡檢
司改河南陳州淮陽站漕運所為潁岐站漕運所隸
商水縣以戶部主事夏原吉為戶部右侍郎

七月十三日召前河南布政司右叅議董倫還自雲
南擢禮部右侍郎兼翰林院學士

倫字安常東昌息縣人世居燕之宛平自為儒士處
山林間布褐藜藿已懷憂世之志學者多從之游以
所居具川稱具川先生元末徵辟不出世高其行國
初擢用單縣儒士張寧洪武十五年寧以倫薦遣使

徵之以為春坊贊善大夫賜冠帶事懿文皇太子其
所陳說多忠孝之言 太祖皇帝聞而善之十八年

正月由春坊右贊善陞左春坊大學士賜綺六疋鈔
五千錠會東宮晏駕二十五年出為河南左叅議在任
尽心民事名其思政之堂曰後樂方孝孺為之記嘗
草封事數千言無一不愜上心者二十六年上書荐
肇州吏目諸葛伯衡 太祖遽擢為陝西叅議三十
年以誑誤坐免典教滇南東宮憐其老賜以白金若
千鎰倫行至成都蜀獻王濬寵之賦詩八章以道行
至滇凡作春成就用夏安夷漸摩膏 皆出于仁義

道德故雖蠻夷童豎皆知向方洪武三十一年閏五月建文即位眷戀東宮旧臣屢詢久之左右多言倫可用即召至京師慰勞備至拜嘉議大夫礼部侍郎兼翰林院學士與方孝孺皆入館閣傳經史是年七月十三日御書怡老堂三大字及髹几玉鳩杖各一賜之倫上表謝初監察御史解縉雲代夏長文作劾表恭書恭啣之目肆誣斥太祖令縉十年著作始許擢用未及期会太祖賓天縉遽赴臨权臣謂赴臨非詔旨遂謫河州縉与倫書祈援歲餘权臣出倫為言之乃召縉还以為翰林待詔其汲引人才類

此倫為人質直敦厚富文孝為時所重草除間屢懇言當務親睦不聽太宗即位時倫年八十餘有旨令致仕出京悒悒成病數日卒

二十三日周王橚有罪遺曹国公李景隆往問之其護衛官軍廢橚為庶人

景隆受賄至金寶七擡

二十四日草左右給事中

二十五日增神樂現知現一員

六科都给事仍舊

三十日草北平府常慶鄭村二垣衙門

以周府奉祠正周是修為衡府紀善

八月八日增國子監司業一員

九月立浦江縣毛塘巡檢司

十四日革鞏縣廖子王站遞運所

十八日增置浙江江西湖廣福建山東山西河南陝

西布政司揚州府各織染局局置大使一人副使一

人

十九日以臨江府推官劉翼為知府

二十四日革夙陽府屬

鳳陽縣蚌埠站穎上縣穎陽站聶家灣站太和縣要

灣站旧縣站穎川乾溝站泗州黃崗站雙溝站壽州

下蔡站獨溝站凡十三遞運所開封府陳州穎岐店

站項城縣任店站蔡河站祥符縣金梁站太康縣長

嶺站扶縣義聲站通許縣青岡站滎澤縣通濟站陽

武縣城南站凡九遞運所懷慶府濟源縣小交村皆

站孟津縣下孟里站凡三遞運平陽府垣曲縣黎樹

交斜陽壺站絳縣乾澗橫嶺夏縣常村關喜城西東

鎮安邑縣運司陶材凡十遞運所出南京吏部奏

遣都督同知何福佩征虜將軍印總兵征百夷

都督徐凱等從出貼黃冊

以兵部尚書茹瑄為吏部尚書工部侍郎練子寧為
吏部左侍郎蹇義為右侍郎

今南京吏部卷內有三十一年十一月尚書茹瑄奏
保舉人材案先是四月子寧以工部右侍郎掌吏部
事署卷

練安字子寧以字行臨江新淦人父伯尚洪武間為
起居注以直言忤旨謫廣德州同知後迂臨沂鎮安
二府通判卒于官安性資英邁志操不凡幼從鄉長
者竹庄先生游竹庄命賦水竹村居有千山暮雨石
泉通一夜春雷龍籜長之句竹庄甚奇之後游邑庠

與金幼孜相及善嘗謂之日子異日必為良臣我必
為忠臣洪武甲子年領鄉荐明年入對大廷極言今日
朝廷用人徇其名而不求其實以小善而遽進之以
小過而遽戮之曰歷陳古人所以教養任用之道言
甚剴切不顧忌諱 高廟嘉之擢第二名進士及第
授翰林院脩撰安益以名節自砥礪于是聲望藹然
中外咸以文孝行義稱之未幾以母喪去位杜門屏
迹力行古喪禮服闋陞吏部左侍郎時 建文君初
嗣位安進賢退不肖多所建白與方孝孺等特見信
用尋迂左副都御史府後改御史大夫靖難師起安

極論曹國公李景隆奸邪不忠一日于朝班內批景隆
教其罪奏請誅之不聽安憤激稽首請先伏誅遂罷
朝師渡淮靖江府直史蕭用邁衡府紀善周是修上
書論大計指用事者罪過書下羣臣及兩人議用事
者怒盛氣以詰兩人安言國事至此尚不容言者乎
顧所論我過有則改之無則加勉詰者愧而止壬午
年六月有詔治奸党安不屈遂族誅之姻戚被逮論
死者百五十一人戍遠方者又數百人惟吉水錢氏
得免錢習禮仕于朝為鄉人所持恒怀不安以告少
保楊榮乘間以聞文廟欣然田使練子寧今日在

此朕固當用之耳况習禮乎後同知王佐緝安遺文
一帙序之曰金川王屑集提李副使李夢陽始命有
司梓之又立五金川書院祀安父子名其堂曰浩然云
二十九日增置兵部武選職方二司主事四員出南京吏部卷
以兵部左侍郎齊恭為兵部尚書右侍郎劉儁為左
侍郎中盧淵為右侍郎

是時兵科給事中王坦康健兵部郎中賢潘行杜
禹祈昭員外右朴張子真出勘合底簿齊泰應天府溧水
人洪武丁邗鄉貢進士始得名德後受知于高廟改賜
今名筮仕禮部主事一日雷震謹身殿上射禱于

天擇九年無過官員陪禮泰与烏山奕為兵部左侍
郎戊寅進本部尚書嘗被台問邊將姓名泰歷數無
遺又欲考諸國籍泰出袖中手冊以進甚恚自是益
承眷遇及上棄羣臣泰与受顧命輔嗣君奉命使
燕賂之泰受之歸謂以所賂為兵費上竒其識日見
倚重及燕藩將入臨至淮南泰言于上曰令人賫勅
符使歸國及靖難兵起泰主征討之策命將出師多
其籌畫嗣君惟召季士輩討論同官法慶處便弄柔
翰而已詔聞外事一以泰：遂移檄指斥親王或雜
之泰怒曰名正言順敵乃可服是何言耶語聞靖難
師遂首以誅泰為名泰以作大書各王摠漏師遁还
慮遼寧二府為交台还京師寧王叔与燕合惟遼王
植至始与燕戰犹有勝負及勢不可克乃謫其官以
求解兵時一年七月也李景隆以書与燕謂齊黃已
屏竄遐荒可息兵矣燕不信進兵益急尋召泰还而
京城已定嗣君出走泰追之不及至廣德州語在王
叔英傳既而被執泰不屈遂見殺某從兄弟教宗等
皆死叔時永陽彦等皆充軍有子甫六歲給配後赦
还今子孫犹有存者
以雲南右布政使陳迪為礼部尚書

迪字景道寧國宣城人世居麻姑山西村曾祖巨卿
元江州路總管祖宥賢父仲康撫州守禦千戶所百
戶迪自幼倜儻有志操操洪武中辟郡孝訓導己未以
通徑召除翰林院編修己丑二月陞侍讀豫修大典
辛未八月陞山東布政司左叅議捕蝗弭盜民甚德
之甲戌六月丁內艱奪情起復辟不允乙亥三月陞
雲南左布政使時普定曲靖烏撒烏蒙等處苗賊猖
獗迪以土兵擊破之獻俘于朝有白金珠幣之賜戊
寅八月徵諸行在陞禮部尚書特授榮祿大夫庚辰
水早有旨集議迪言刑獄未清宜勅法司擇公廉仁

厚者多詣諸郡縣覆審獄囚無令久淹致傷和氣又
言逃民家業既喪且畏公私逋負之迫矣失今不卹
必嘯聚為患宜使有司紹徠之其不願歸者聽附籍田
暫免其差役則民安而盜息矣 上皆從之辛巳二
月加太子少保辭所兼俸不受請准師起迪與黃子
澄等上疏陳論大討迪受命償運糧儲于外過家未嘗
入聞變即赴京師掌禁旅冬江西僭寇順天王扇諸
郡作亂春與征先登殲之乙丑秋受驃騎將軍僉後
軍都督府事廷臣請試戰 太祖曰是兒我家人非
他比也俾宴授春剖決如流嘗錄囚烈山奏釋數百

人擒送党于蔚州開釋誣誤亦赦百人壬申英堯于雲南萬里奔赴襲西平侯爵鎮雲南一遵父道謂屯田為政要務歲較多寡賞罰稽功乃陪饋餉以足癸酉春緬甸暨東州夷相繼作難春調都督瞿然授以成筭俄皆殄平甲戌春復平越雋番寇越州蠻附資者倡亂西南朝廷費數百萬之師往々無功春卒平之麓用宣慰思倫發為其下所圍戊寅四月破力于孟諸皆誅其渠餘釋復業自是百安震懾不後携二拜征虜前將軍命卒其地功未竟而春以九月一日卒矣時年三十六帝悼恤遣官就終命有司護喪主京復諭祭者再賜謚惠襄春沉毅果敢明識純倫在鎮七年闢田至三十餘萬畝復人戶至五十餘又嘗鑿鉄池河灌田數萬畝民受其利

二十日草五軍都督府斷事官

是日復設大理寺置卿一員左右少卿左右寺丞各二員餘官左司左司正一員正六品左司副一員從六品左評事六員正七品右司右司正一員右司副二員右評事六員正六品同左右司務二員從九品先是大理寺草至是復五出吏部卷二十六日草廣通鎮批驗恭監

長星西隕有聲如雷

以張夙等為錦衣衛千百戶等官有差

初 太祖崩于西室，人殉葬者若干人其近親張鳳李衡趙福張弼汪濱孫瑞王斌楊忠林良李成張敏劉政等以錦衣衛所試百戶散騎帶刀舍人進官本衛千戶百戶靖難初革建文間陞除官張鳳等六在革中 文廟曰他每這几家都是孝順的賊事不動都調孝陵衛支俸不管事今尚稱 太祖朝天女戶官世世襲授

十月四日征虜將軍何福進兵金齒

貶安陸侯吳傑為廣西南寧衛指揮使

增置尚寶司少卿一員

六月革邵武府泰寧縣河泊所

十五日增置陝西洮州茶馬司

二十一日革大昌縣并儒學

縣隸夔州府至是革

二十五日革衡州府藍田縣毛俊堡張家小山堡三
巡檢司

以戴元禮為太醫使

元禮金華人名思恭以字行季于朱彥修初以御醫

事 太祖大漸時常目之曰此人仁義頗憶之故有
是命後遼王來朝為書仁義卷肅慶二王為之贊咏
董士為之跋或云 文皇時以旧恩陞院使非也時
蔣用文為御醫

召總兵官左都督楊文還京師

文會山人以開國功累官都督洪武丁丑春正月命
往遼東練兵屯田七月召還俄克大總兵官征虜前
將軍率京師湖廣江西兵征五開太祖以詩送之自
總兵顧成以下悉聽節制冬先諸將還京戊寅夏五
月復克總兵官棟選北平行都司及王府護衛精銳

馬步官軍禦開平禦備 太祖崩未幾召還永樂丙

戌正月卒

十一月十三日立金華府義烏縣清溪巡檢司

十二月癸丑帝省牲于郊祀壇

四日復置工部照磨所

九日增設開封府常盈庫大使一員青州府將楹庫
大使一員立福建下里場鹽課司

十五日草青州府博羅縣陳遶站益都縣北門外樂
安縣樂安臨淄縣古城凡四遞運所

二十一日草紹興府蕭山縣錢清北堤
省衛輝府昨城縣儒李訓導二員

二十八日省永平府江華縣：丞主簿各一員

罷吏部尚書茹瑋雲南左布政使張絃為吏部尚書

張絃字昭季號鷄巷西安富平人父月川文行知名

絃由明徑奔為東宮侍書才識通敏 懿文皇太子

器重之洪武十二年各陞通政司左叅議尋出為雲

雲右叅政進左布政使凡土地貢賦法令條格祀神

壇祠公署解字与夫上下典儀公用程度悉裁定之

夷民心孚遠迩奠安二十年三月秩滿入覲考功能

為天下第一賜璽書勞之曰曩者討平西南夷命官

撫守尔絃寔先赴任今五年矣言出則諸夷聽服令

布則四野懽忻皆由誠信相孚克恭乃職今來朝不

待考而朕知其功出乎天下十二牧之首故嘉汝績

復命乃治黔南汝欽哉遂还治三十一年召為吏部

尚書會修太祖皇帝寔錄被旨試翰林之任編纂

者考第高下而官之時楊士奇以教官徵入翰林亦在試例絃讀其策獨喜曰明達時務有用之才不但文辭之工也以為第一奏授王府審理士奇由是著名後來大用其知人之鑒若此壬午六月靖難之師入京城討奸党絃与焉及上即位召絃与王純諭曰鄉二人久事皇考習知典故今皆老矣其解職務月給尚書半俸居京師視時政有疾舊制向朕直言無隱庶称厚望老成之意絃遂自徑于部之後堂

以茹瑞掌河南布政司事尚書如旧

茹瑞衡州衡山縣人面骨涂峻身長八尺相者謂封

侯而不令終洪武中以貢入監吏部試居第一累官至左通政甚称上意舊令中外文武服勤在官者復其家上以瑞卓异并其田塘園林一切稅租悉蠲之其叔父弟詣闕謝及陞辭賜鈔十錠仍勅光祿寺賜酒肴偕瑞詣其門餞之累迁兵部尚書太子少保草除間以尚書掌河南布政司事靖難師起瑞主兵餉及迫近京師詔以諸王分守諸門城遣李景隆都督王佐及瑞住龍潭見太宗瑞望風納款未幾遂入京羣臣未有言瑞獨先于上前稽首勸進及即位以瑞有奉天征討功封奉天翊運守正文臣特進榮

祿大夫柱國太子少保兼兵部尚書忠誠伯食祿一
千石子孫不世襲賜券文有內外一人中流砥柱之
褒詔以秦王第二女長安郡主下嫁其子鑑禮遇優
渥賜賚不可勝算後乞骸骨得致仕于家尋以事逮
至京師死于獄宣德初徵其幼子鏞以父勲與官鏞
不敢受蓋鏞以瑞有功罪之間也

以上部右侍郎張昂掌北平布政司事

吏部奏內有洪武三十一年五月二日工部侍郎張
昂奏事昂山西澤州人國初奉人材達文時遷至禮
部侍郎會諸藩不請廷臣建議凡藩國所在悉更置

守臣以素負重望者居之乃以昂為北平左布政使
至察文皇帝必起兵遂與都指揮謝貴以在城七衛
及屯田軍士列九門防守飛章奏聞有祿吏李及直
者知譎人也昂以腹心寄之友直乃竊其章密獻王
府而都指揮張信亦告貴之謀會朝廷遣內官逮護
衛官僚至府文皇帝遣使逼召昂及貴入至端禮
門為燕山右護衛副千戶譚淵所執昂及貴皆不屈
而死時已卯七月六日也昂得屍還葬文皇帝登
極族其家生焚近戚程輩其疎戚及同里人咸
分遣戍邊後上屢夢昂等被髮為厲命出其屍然而

棄之曷面犹如生者有一子逃去不知所之或曰莽子也洪熙改元詔曷戚屬戍邊者家籍一人餘縱之還里曷家墳在水南去州城之東三千里正德庚辰春正月知州馬汝翼立祠祀之以王鈍為戶部尚書

鈍字仕魯河南泰康人洪武間由吏部郎中為福建布政司叅議陞叅政寬慎廉分介民怀其惠草除年間遷戶部尚書靖難師至鈍走出城外已而歸附文廟登極召見之曰尔向輔建文間朕骨肉今何顏耶鈍頓首慙謝命降布政使仍令致仕快成疾死子

璽官至戶部侍郎

以鄭賜為工部侍郎

鄭賜字彥嘉建寧甌寧人乙丑進士除監察御史陞湖廣布政司右叅政丁艰起服改北平布政司坐事謫安東屯草除間召為工部尚書

太宗登極轉刑部後改為侍郎趙璠謨間以憂死文廟初贈太子少師謚文安

監察御史尹昌隆上書帝嘉納頒示天下

尹昌隆者江西泰和人也洪武中奉進士及第二二人授監察御史建文初人主視朝頗晏昌隆諫曰昔

太祖高皇帝鷄鳴而起昧爽而朝未嘗日出而臨百
官于是乎成懼故能庶績 安陛下嗣守大業曰
而迨繩祖武兢兢業業憂勤萬幾未明求衣日昃忘
食常如有不及者蓋天下之大四海之廣兆民之衆
不可不勤以撫之也今乃即于晏安日刻甚安猶未
臨朝羣臣宿衛疲于候伺曠職廢業上下懈弛流為
凌遲臣恐播之天下傳之四夷非為社稷之福也制
以昌隆所言切中朕過禮部可編行天下使朕有過
人得而知之及 太宗文皇帝率兵南向昌隆上書
言今事勢而北未章奏有周公輔成王之語不若罷
兵息戰許其入朝彼既欲申大義于天下 使相違
戾設有蹉跌便須奪位讓之猶不失作藩王也若沉
吟不斷禍至無日進退失據雖欲求為布衣丹徒不
可得矣不報 文皇入南京命捕齊泰黃子澄方孝
孺昌隆等為奸黨同驅出戮之昌隆當陞大呼曰臣
當時曾上章勸以位讓陛下奏牘尚在可覆案 上
乃命後昌隆刑閱其奏 上流涕曰火燒頭若早從
此言則南北生靈受禍未至若是之酷朕亦無此勞
苦也詔特貸昌隆死且諭之曰朕長子在北京爾往
視之爾能盡誠輔導朕不忘爾遂改北平按察司知

事昌隆頓首謝永樂二年冊立尋與嫡庶議授昌隆
左春坊中允前後在東宮隨事匡諫多所補益漢庶
人之踰年出為禮部主事尚書呂震方承寵用事
屬官惟諂附取容而已昌隆獨以剛直自處震獨處
則必有密謀滌計官屬相戒無敢白事者而昌隆適
有事往白震怒不已昌隆未喻移時又白之震愈怒
拂衣起曰事當行自行何問為昌隆蹶階而退謀于
所知者或謂之曰今既請不得公舊客宮僚皇太子
素知公何不啟取令旨行之昌隆從其計果得令依
所謂震大怒遂奏昌隆傲暴剛愎事多專行臣以職
守相臨動為所拒無屬官禮且身為王官事無大小
並須上奏而乃假托官僚怙賴思私陰欲樹結故不
之父而之子其潛蓄無君之心可以槩見矣又言昌
隆身事庶人名在黨籍僥倖苟免見利忘義其心臣
測其行匪良不宜任用 上乃命逮昌隆下獄尋遇
赦復官丁父憂歸服錦衣衛獄且籍其家 上方巡
狩西京凡下詔獄卒輿載以從謂之隨駕重囚昌隆
與焉後數年谷王謀反事發辭連昌隆處以極刑以
曾經保奏為長史乃坐以共謀詔公卿雜問昌隆初
不服乃辯不已震折之昌隆知不可免乃無言獄具

上 上竟夷其族是年震病面疽痛不可忍宛轉床褥間常號呼曰君相君相其妻子問之云見昌隆守欲殺之竟死

以謝貴為北平都指揮使

謝貴

人洪武末黃子澄齊泰建議削奪侯

王事時燕藩稱病泰謀以備虜為名乃以貴為北平都指揮使張昂為布政使俾通王府官屬覘察動靜元年二月朝廷師至燕約貴先發六月貴等以在城七衛屯田并軍士布于城內填溢街巷追圍王城外牆又以木柵斷端禮等四門燕王聞之曰我病不出

雖塞之可也已而軍士登城擐甲執兵飛走入王城四面鼓噪震動城內七月王乃命指揮張玉朱能等師護衛勇士八百餘人應之能請先擒謝貴張昂王曰彼防守既密猝難擒之須以計致之可也今朝廷遣內官來逮護衛官屬悉依所坐名收之就令差來內官召貴昂付所逮者則貴昂必來則搏之一夫之力耳乃匿壯士端禮門內遣人召貴昂久之乃至衛從甚衆至王門者呵止其衛從惟貴昂得入至端禮門內壯士出擒之其後者猶未知移時貴昂不出稍散去將士聞二人被擒皆散走王等率勇士捕之

是夜王等攻九門黎明克其八惟四直門未下王命
指揮唐雲單騎往諭守者皆散乃尽克九門上親問
貴易乃知其謀出于齊黃遂上書請誅之于是靖难
之師出矣

以進士曾鳳韶為監察御史

風韶吉安廬陵人洪武末年進士高廟升遐後授

監察御史時藩王入覲有馳皇道入且不拜者風韶
時侍班有殿上宜展君臣之禮宮中乃叙叔姪之言
聞者駭愕靖难師起議遣使致書請罷兵入國無敢
行者風韶獨請行至軍前不納取竹通竹節鼓風達

之亦不報既而歸第文廟即位嘉其直復以御史

召不赴尋加侍郎召又不赴仍刺血書憤辭于祺其

畧曰予生居廬陵素負鯁慨一死之得宜可以會

笑于地下而不愧于天祥矣囑其妻李氏子公望勿

易衣遂自殺時年二十九歲李氏亦死于節云

以流人劉有年為太平知府

有年字大有其先本廬陵人元季徙家沅州洪武中

以明經起家擢監察御史李行焯有稱尋以辭官

養母忤旨謫通州擺站間于州故家得儀禮徑十八

篇上之詔藏秘閣建文即位復起太平知府丙子之

春与王伸遇以道義相勗 文廟入正大統以不肖
迎駕謫雲南黔國公知其美進諸子從孝且荐于朝
及交趾平起為交趾按察司僉事其平也尚書黃福
誅之日江湖胸次洙泗規模文宗韓柳李本程朱其
為名流所推如此惜欠草除君一死耳

以右都督沐晟襲封西平侯充總兵官鎮守雲南

晟春之弟春卒未幾晟襲爵鎮雲南永樂中以卒交

趾功封黔國公追封定遠王賜謚敬忠

以何福為右軍都督同知

國初福奮立武功為指揮使洪武辛酉穎州侯傅友

德永昌侯藍玉西平侯沐英三將軍征雲南福與有

功未獻捷再僉都督事戊辰北征捕魚兒海浮獲萬

計卒未克平羗將軍代領西平侯兵討阿資戊寅三

月擒永寧酋十八加如誅麓川叛寇力于孟降其衆

七萬自是百蠻畏服南鄙寧謐擢貳都督府

以燕府叅軍事訓導康汝楫為安岳縣知縣

汝楫武功人以儒術荐越為燕府訓導饒智畧文皇

在邸特与密議朝廷頗疑之改安岳縣知縣縣在漳

州南四百里號難治汝楫公勤蒞政撫馭有方善績

日著永樂以旧臣召民遮道涕泗苗之未及擢北京

刑部左侍郎比卒官其二子爵上林苑監左監正裡
監副爵累官至太常寺少卿裡通政司叅議

召宋懌還師京師

懌金華人故翰林學士承旨宋濂之孫也濂嘗授先
太子經以孫慎累謫沒夔州帝即位念濂皇考旧李
之臣召懌復官之翰林

詔求直言奔山林崑穴怀才抱德之士

帝虚心圖治惟日不給下詔求直言令内外羣臣各
奔逸士于是壽州李訓導刘亨疏言六卿秩當五督
府等國子監祭酒不當位在太僕卿下諸將子弟宜

設武李教之上納覽授亨武進崇仁李訓導羅恢被
荐上書論政入史館同修太祖實錄吉安府知府

朱仲智荐蕭用蘓州府同知姚善荐錢芹同授靖江
府直史芹授戶部司務遼人高巍者母蕭至孝蕭老
痼疾巍奉侍湯藥不懈母亡廬墓蔬食三年洪武壬
戌應貢入太孝甲子以孝行旌表尋授前軍督府試
左断事乙丑上疏欲墾河南山東北平兵後荒田抑
末技慎選卒惜名器数事太祖深嘉納之後以断
事不称旨當罪以議賢謫戎貴州関索嶺仍許以姪
代役帝即位上疏陳中伏弩冒流矢危然后定我

太祖高皇帝遭胡運之大更羣雄並起虜飛淮甸芟
除羣雄東征西怨混一區宇中國既定惟有四夷命
將征討高居九重神謀聖算所向克捷海內之國五
帝三王不能服者皆耒臣服無不納貢而効賤焉此
之漢高誠以為適正所謂戎武惟揚于湯有光雖因
天與人歸寔賴我太祖皇帝有文王純一之德太
行皇后有后妃不妬之行則百斯男無不穆々皇々
宜君宜王者矣故世之本宗百世為天子支庶百世
為諸侯上法三代之公一洗孤秦之陋于是体三代
封建分茅昨土光封形勢之地陝西百二山河昔人

有言一夫當關其人悍勇西鄰吐蕃以藩王之長奏
府王之山西表裡山河地產良馬屈產之乘在焉其
人剛壯所謂山西出將者也北近胡虜故以晉府王
之其燕府雖無名山大川之限其南冀州真定保定順
德廣平大名等府所謂桑土之野地里坦平肥沃其
供賦之饒不待言而可知其北雖曰沙漠寒冷不毛
之地廣畜牛馬其地土之人不畊不蚕皮衣肉食弓
馬是務遼金殘元籍之而各具一代之業故以燕府
王之其四川雖曰西南一隅山河阻滌劉備諸葛據
之而弗視吳魏者也故以蜀王之其餘楚湘齊兗寧

遼谷代慶肅星羅棊布比之古制雖皆分封適當然
太祖之聖意莫不欲護中國而屏四夷也今各處
親王故多驕逸違犯朝制朝廷紀綱不立削之則
傷親之之意此我皇上之所難處也賈誼曰欲天下
之治安莫務于衆建諸侯而少其力力少則易使以
義國小則無邪心令海內之勢如身之使臂之使
指莫不率從真裁判諸侯之良策也當今之勢以臣
愚見莫聰晁錯削奪之策當行主父偃推恩之令秦
晉燕蜀其餘寧遼代谷慶肅等府類比而分王之少
其力而少其地如此則藩王之權不削而自弱矣臣

又願皇上待遇親王薄其貢而厚其恩當於親王之
禮如歲時伏臘外國所貢稀罕之物并京製嘉穀美
味命使臣頒送就問起居安否何如其賢如漢之河
間獻王與東平王蒼者下明詔褒賞之其驕逸不法
如漢之淮南濟北者初犯則容之再犯則赦之三犯
而不改者當合親王告太廟削其地而廢處之豈有
不順服哉臣嘗以為人君之有天下亦如人之有一
身也天下之患人身疥癩之疾骨肉之患人身腹心
之疾疥癩之疾有時而搔癢吾休食良醫修方一掃
之而卒服矣腹心之疾非知識膏肓者不能也昔賈

誼見漢諸侯弘盛故以指股為喻今臣以一身百體
為喻今我皇上乃天君一心也所謂具眾理而宰萬
物百體之從命者也各處親王五臟耳目口鼻手足
也五臟酸甜嗜欲不同手足安逸亦異目好色耳好
音鼻好臭口好甘其心天君隨百體之好則失主宰
不隨則擾吾心而已故醫書云智者能調和五臟既
和則不惟無腹心之疾而疥癩之疾亦不生矣噫五
臟和而一身安一家和而百事遂里諺云家不和而
四隣欺臣亦謂國不和而四夷窺此一理也蓋自古
帝王之治天下莫不以修身齊家為先是以堯之文思

安安允恭克讓者亦必先我九族平章百姓文王之
小心翼翼亦必先刑于寡妻至于兄弟以御于家邦
則孔子所謂身脩而家齊家齊而國治國治而天下
平孟子曰言齊斯心加諸彼而已親而仁民而愛
物此古今聖王治天下之軌範也伏望皇上鑒戒
焉未踰年靖難兵起時又有仙居鄭恕金華棲璉浦
心鄭楷皆見擢用
詔顧成班師

先是成以都督僉事充征南將軍提兵官帥師征西
蠻居宗既平將旋師洪武丙子五開諸蠻叛遂命成

自水西移師五開副摠兵何貴宋晟韓觀各助師佐
之成在軍秋七月至十月征平州大同等長官司苗
坡羨塘光金家台等一百三十七砦及龍里鎮遠蠻
為亂者前後斬首二千八百六十四俘獲人口三千
八百五十二萬馬六十二匹

已郊建文元年春正月癸未帝祀天地于郊祀禮始
以

太祖高皇帝配享

是歲即位改元郊見 上帝如歲祀之禮戊辰御奉

天殿警戒百官是夕宿于文華殿齋室已郊出舍皇
邸尚膳進素食庚辰夜合祀天地配以 太祖高皇
帝太祖座西向 帝脫烏登太祀殿乘圭奠瓚与俯
拜跪四弗如禮昧蕤还宮御奉天殿受群臣賀翰林
院侍讀方孝孺進郊祀頌謂是日夜午禮成天宇澄
瑩父老威謂未嘗遇

四日改行都司昌州為昌州長官司普路州為普洛
長官司威危州為威危州長官

詔應天府及十三布政司開科鄉試

應天北平山東山西陝西浙江河南江西湖廣福建
廣東廣西雲南四川

十七日草雲南等十四府照磨所

二十二日草武昌府江夏縣金口鎮鮎魚鎮二巡檢
司立贛州府安遠縣南橋保巡檢司

二十七日草會州衛已松大龍會川黎溪腰驛凡五
驛草平陽府僧會司

遣使告即位于天下合祀神司業張智 旨闕里

百夷平征虜將軍何福等師還

先是十月八日兵次金齒十六日克何登等寨十八
日克小南和寨二十二日還金齒十一月二日兵百
夷崖甸克魯麻等寨五日次麓川大甸六日克刁干
孟寨斬首賊刁幹孟景七日次木邦十一日克麻底
浪傍等寨十三日克孟斯寨十六日克孟別三十日
還大甸十二月三日師還金齒二十二日征蒲蛮并
木邦孟定等處二十三日次石甸招諭蒲蛮降二十
六日克阿哈喇寨老姚寨明年正月二日克枯阿

莽寨初五日平要旬七日班師于是百蛮悉平
勅脩 太祖高皇帝寔錄

以礼部左侍郎兼翰林院學士董倫右侍郎兼翰林
院學士王景彰為總裁官太常寺少卿廖昇翰林院
侍讀學士高巽志為副裁總裁官翰林院修撰國子
監博士王紳陝西漢中府學教授胡子昭齊府審理
副楊士奇江西崇仁縣學訓導羅恢云南馬龍池郎
甸長官司吏目程本立等為纂修官給大官饌寵眷
有加 景彰浙江松陽人名景以字行洪武為懷遠
教諭以文字知名後擢山西右叅政坐事謫雲南時修太祖

寔錄召入翰林充總裁官雪菴集引曰松陽人名暨
姓不傳永樂初年逾壯者矣始落髮為僧溯江而上
抵重慶府
善慶里山水奇絕可遯曳杖而
將至憇于邑
既而善慶杜氏景賢之

乃相与陟 親洞諸山復降至 松栢灘旋視而
曰盍于是乎寺焉以老景賢鳩材構之寺成而入听
夕命僧徒誦經咒聞者傾聽則易之乾卦也景賢曰
上人祖釋而誦儒經奚其可乃易伽梵而寺以現音
名嗚呼寺也豈其心哉嘗買楚詞泛小舟于灘之中
流讀一葉輒投之水而哭焉如是至于暮斯已衆駭

之莫測其意嗚呼僧也豈其心哉閒居為酒能破塵
臆每脯注一壺以候客時至者雖牧豎不拒而與飲
漸臙呼見侍立曰我歌尔和竟而冥焉乃寐嗚呼酒
也豈其心哉侍者曰吾師形碩而頰指柔白落髮則
星流雷走紺雲造出見者哉訝其為异人或曰洪武
三十五年授翰林李士而今乃滅其跡予未冠得其
詩數篇而又索其遺者藏之皆手盪也嗚呼日月逝
矣忍禪斯人無聞于世也夫庸言而駁諸梓以傳抑
又有補鍋匠者不知何許人往來于隆安里間怕首
身右短衲業補鍋而食其力垂老不滿一字偶值詩

翁馮姓者階諸老小酌聯句適業暇而立于側恠其
語澁而眼輾然者再諸老怒叱曰汝能詩即續吾所
未能者否則捷汝不得已招韻而應之諸老起延之
上坐諸賦席上新相不可強之而後可僅一絕過此
若病風然而卒晦以死人言其與雪菴故僚友

不相聞訊迥殊而心一也謹以其詩附于是集
之末嗚呼讀者以意逆志則二人之心白矣豈終

日知我者其天乎 廖昇字

人孝行

最知名洪武中為五軍都督府斷事二十
月擢太常寺少卿草除中修 太祖皇帝實錄李士

董倫為總裁昇及侍讀李士高巽志為副總裁會太宗平定內難昇慟哭于家与家人訣自縊而死壬午都御史陳瑛奏昇與黃觀王叔英周是修王良顏伯瑋皆不順命而効死于建文計其存心與叛逆同宜追錄之上憫其忠不問○高巽志字士敏徐州蕭縣人元末僑居嘉興自幼好李嗜文詞嘗侍父宦遊京師其一時文章大家如宣城袁泰番陽周伯琦遂昌鄭元祐皆在巽志獲受其業故其為文深純典雅成一家言年二十五為鄞山書院山長洪武二年徵修元史入翰林為編修累遷侍講李士建文朝兼太常

寺右少卿庚辰會試與董倫為考選官精于去取而名士胡廣吳溥楊子榮楊溥胡濙輩皆入彀中號得人焉內難既平巽志存歿莫考嘗考是科同與較藝者石拾遺朱逢編修史官吳勤葉惠仲趙友士徐旭張秉彛監試官御史王度俞士吉蓋皆一時之選惟葉惠仲王度死難餘皆居如故而徐旭者永樂初為吏部郎中與逢預重修高廟寔錄旭陞國子監祭酒俞士吉永樂初拜僉都御史李貫者吉水人革除中為翰林修撰與胡廣事太宗一日于宮中持建文時群臣祈上封章千餘通覽一二千犯者

命翰林侍院講解縉等編閱關係軍馬錢糧數目則
晉餘干犯者悉燒之既而從容問縉等曰尔等宜皆
有之衆稽首未對貫進曰臣寔無之上曰尔以獨無
為是耶食其祿思任其事當家危急之際在近侍獨
無一言可乎朕非惡夫尽心于建文者但惡導引建
文壞祖法亂政經也尔等前日事彼則忠于彼今日
事朕當忠于朕不必曲自遮蔽也後貫以姻家累坐罪獄

○王紳字仲縉金華義烏人父禕以文行重海內与
宋濂齊名因初擢儒教校理歷起居注出判南康臨
漳二郡會修元史召為總裁官尋擢翰林待制使雲

南仗節死紳甫十三聰敏過人落筆為文沛然不可
禦鞠于伯氏緩事母何盡孝及卒哀毀踰礼未幾後
亦沒紳獨綜理生業筑之憂患中傑然負奇志暇日
益取經史百氏言窮其旨歸縱橫磅礴出入上下宋
濂一見即器之曰王華川其有後乎一時俊傑多自
服不逮洪武二十五年蜀獻王聞其賢馳幣聘至待
以客礼俾教授蜀郡縉痛父遺骸未还丘壠白其情
事王憫之給道里費以行至雲南訪求不獲遂即死
所奠祭仰天號慟几絕過者為之泣下沾襟作滇南
慟哭記以著志雲南布政張紘尤重之作吊王翰林

文行其情还王慰勞備至蜀人無貴賤咸知愛敬建
文即位召為國子博士遂入詞恒編修 太祖寔錄
与侯城方孝孺交游嘗尊孝孺為百代儒宗勸之著
書以淑末世孝孺不以為然伸自是益嚮道德而畧
文藝嘗以其文死節事聞于朝得旨贈翰林李士謚
文節開國以來文臣有謚者寔自穉始庚辰十二月
丙午縉卒年四十有一 繼志集三十卷藏于家子徐
事見第五卷 胡子昭字仲常一字伯尚嘉定榮縣
人舊名志高後以避嫌改居縣之東川鄉子昭富經
術性忠介方孝孺為漢中教授講明理李往從之孝

蜀獻王賦詩贈之其後由儒士被荐至京師王紳輩
甚重之革除間為史官歷陞山東按察司僉事刑部
侍郎壬午九月十一日戮時四十一閭族被擒父復
初母郭氏皆年八十餘編伍子紹鎮維登習匠後亦
編伍獨弟志遂為蜀府典寶匿丹稜以免近御史熊
相于州治西立祠祀之 楊士奇名寓以字行江西
泰和人早孤母改適羅戴奮志力李都縣交辟不就
尋以明經授教官未赴會修 太祖寔錄送由翰林
編纂未幾命吏部考第史館尚書張統奏士奇第一授
各府審理副明日復入翰林 程本立字原道加吳

崇德人少讀書不務章句聞金華朱彥脩得考亭正傳于白雲許謙乃就孝焉寓金華最久造詣日深洪武丙辰以明經秀才擢秦府典儀所引禮舍人

秦晉燕三府官僚召見奉天門下賜馬匹楮幣有差在任五閱月以母艱去庚申復除補周府禮官丁卯後王朝京師被累謫云南馬龍池即甸長官司吏目留家大梁自以一僕之任時所部百夷煽誘為逆本立單騎突入為書開諭逆順利害由是諸夷咸悅歸順邊事以息當王師初靖餘孽尚驕時西平侯沐英布政使張統以本立統領守禦因自誓曰我當以死

救一方之民遂不避艱險山行野宿自楚雄姚安以逮大理鶴慶麗江永安咸賴其撫綏安輯自是民得安業軍得著伍本立之功也戊寅奏計京師應天府尹向瑤李士董倫以文學優長守身廉潔荐及徵入翰林纂脩高廟實錄陞都察院左僉都御史階中順大夫支四品俸辛巳以失誤陪祀調除仍留翰林纂修明年實錄完調江西按察司副使未及適靖難兵起渡江逮入京本立自盡壬午六月十三日也官因追其恩典家無遺貲時稱為清所著有異隱集十卷僉事吳昂刊行于闐而叅政林廷楫序之稱為今

之夷齊云時同纂修者李士董倫禮部郎中夏正善
史官錢塘高讓廬陵吳勤趙友士端孝思罔郡張秉
彝唐畊侍講王景修撰李貫編修吳溥楊溥楊子榮
劉觀侍書劉彥銘皆不能死節或見用新朝焉 唐
愚士名之淳字愚士以字行紹興山陰人父肅國初
應奉翰林文字有名愚士少有奇志攻李不倦年二
十餘已有聲浙水父謫死臨濠辛勤扶喪歸葬進求
其平生所作不憚荒遠纂錄收拾如獲金璧時伏
讀淒切人為之掩泣然愚士亦工為文章且善筆劄
酷似其父洪武中屢有荐之者謝不就曹國公李景

隆勲業第一好士聞名走使者請至家俾其子師焉
征行四方皆与俱歷燕薊秦周覽前代遺迹援筆而
賦躡蹠一時歲辛巳嗣君詔翰林詞臣集數千載經
史中事為書以考治亂為監戒命李優通文孝士方
孝孺輩以愚士荐 上亦雅知其名且謂曹國公之
客賢趣召至殿前即拜翰林侍讀賜以冠帶俾與孝
孺俱領脩書事且同以前漢書進讀未幾病以閏三
月二十三日卒時景隆以將兵于外及歸則愚士病
甚不可為矣賙卹之甚厚所著有萍居稿文斷諸書
二月六日都督韓觀練兵于德州 革會川衛儒李

三月改大理寺卿為大理卿草司務二員立典簿一員改太常寺卿為太常卿草鴻臚寺司儀司
二署改光祿寺卿為光祿卿寺丞各加左右字陞秩從四品寺丞從五品改太僕寺卿為太僕卿少卿寺丞各加左右字陞少卿秩從四品寺丞從五品
改主簿增典廐典牧二署各設正一員丞二員監事一員吏目一員典廐署增屬官驥等一十五郡
置長一人改馬千戶所倉一處副使屬本署典校署增屬官遂生等三郡五日草安遂縣僧會司
七日增置衡州府耒陽縣現山巡檢司九日改福

州時福寧縣青灣巡檢司為相山巡檢司松山巡檢司為庫溪巡檢司十日追尊懿文皇太子為孝康皇帝廟號與宗皇妣敬妃為孝康皇后立妃馬氏為皇后封弟允通為吳王允燧為衡王允燾為徐王詔誥天下遂命有司奉養老恤窮重農造士任官旌善周恤裕荒恤兵在廢掩骼以佐邦國詔曰朕惟有盛德而不享其報者必垂裕于後昆履大位而不遂乎親者必致尊于宗廟此天下之至理古今之通義也昔我太祖高皇帝平定天下承千載之大統皇考懿文皇太子早登儲位參決萬幾默施寬仁陰

贊至治視斯民如赤子体天眷之聖盛錫佑朕躬
太祖皇帝奄弃臣民肆朕嗣登大位既謚 太祖為
高皇帝 孝慈皇后為高皇后而皇考謚號未稱朕心
寔悼焉迺者採群臣之言追尊皇考為 孝康皇帝
廟號具宗皇帝妣敬妃為孝康皇后擇日祔羣臣復
謂中宮之號未正無与共承祭祀諸弟之封未定無
以來輔邦家繼以為諸已冊妃為氏為皇后封弟允
燧為吳王允熒為衡王允熾為徐王夫尊親所以崇
孝敬之道正家所以厚風俗之原嘉与萬邦同臻至
治布告中外咸使聞知 一祖宗廟謚稱號所以

褒顯功德非所當諱今後惟廟諱如律回避廟謚稱
號勿諱 一民間及山林崑穴有懷才抱德練達政
治廉能幹濟之士有司明著寔迹禮請送來授以祿
位以安黎庶 一軍民男婦有八十九十者賜米一
石肉十觔酒三觔九十者加賜帛一疋綿一觔其身
犯杖罪以上隸卒優娼不用此例 一所在鰥寡孤
獨貧無產業不能自存者有司每歲給米三石責令親
戚收養如無親眷隣里養之母致失所其有田地荒
蕪焚畊種者從寔開報以憑分豁 一農桑乃衣食
之本有司勿奪其時使得盡得畊種足其衣食

一學乃風化之原教養英俊以備任用有司宜加意
禮以勸勉禁其習于浮華毋得通同擾民 太后開
平忠武王常遇春女皇太子數歲薨 皇后父金為
光祿少卿洪武丙子九月十三日立為皇太孫妃至
是冊為皇后 吳王國杭州衡王國衡州明年之國
徐王幼未行歲壬午七月降封吳王為廣澤王衡王
為懷恩王是歲十二月召至京皆降為庶人出之後
隨駕入北京至天順元年釋放無存惟吳庶人有老
姐姊數人耳徐王永樂四年封甌寧王未之國永樂十
五年薨遷葬太平門外無子國除至今南燕光祿寺

歲供節祀用時俗棹面酒菓所祭之 二十一日改
廣東鹽課提舉司為廣東都轉運鹽使司海北鹽課
提舉司為北分司 二十二日草邵武府光澤縣河
治所

二十五日草戶部浙江等十二清吏司立職民度
支金帛倉庫四司草刑部浙江等十二清吏司立詳
憲比設職門都官四司立即中一人員外二人主事
八人 草紹興府在城河泊所 二十九日改浙江
等十二提刑按察司為浙江十二道肅政按察司各
分巡道改為分司草照磨所 燕王來朝 吉安志

載御史曾鳳韶是日侍班王由皇道入登陞不拜夙
韶勅奏曰殿下宜展君臣之礼宮中乃叙叔姪之情
燕王由皇道不拜大不敬 帝曰王至親勿問又南
京錦衣衛百戶潘暄貼黃冊內載校尉潘安二十三
日欽撥隨侍燕王還北平任坐以拿張昂功陞賊據
此則來朝明矣 戶部侍郎卓敬上書 時燕王來
朝敬密奏曰燕王智慮絕人酷類先帝夫北平者強
幹之地金元所由興也宜徙燕封南昌以絕禍萌夫
萌而未動者幾也童時而為者勢也勢非至剛莫能
斷幾非至明莫能察 上覽奏大驚袖而入 日語

敬曰燕王骨肉至親卿何得及此敬曰楊廣之于隋
文非父子耶 上默然良久日卿休矣事竟寢 敬
字惟恭浙江瑞安人家卓奧後徙滄州少讀書十行
俱下一目棄不復讀亦未忘也七歲有異人見之曰
此奇兒也第血不華色耳年十五六讀書室香山性
至孝晨昏礼雖遠不廢夜嘗歸值風雨路得一牛騎
之歸及門縱之則虎也洪武戊辰登進士授給事中
好直言嘗劝上曰諸王服飾尚有擬天子者此亂之
道何以命天下邪 上笑而納之宅日与同官見遠
八十一人 上命改為元士尋以六科為政事本源

又更為源士後復祿給事中上疏多過直或戒以太
剛則折敬謝曰敬知盡諫諍職耳禍福非所計也言
之益力歷宗人府經歷進戶部侍郎後靖難兵入有
執敬數之曰此得非前日奏我諸王者耶敬厲声对
辭不遜且曰若用敬言王何能至此上怒欲殺之
係之獄使入諷之受官不屈姚廣孝乃借吳不欲范
蠡而蠡卒滅吳王衍不殺石勒而勒終滅衍夫敬言
誠見用于陛下豈有今日于是斬敬夷三族敬臨刑
神色自如經日其面如生敬之死出于廣孝所技
上寔不忍嘗嘆曰國士家養士三十餘年卓敬可謂不

負君矣敬博學多能設論英發天文律曆地理兵刑
靡不造其奧所著有遺書十卷詩文五十卷宣地間
門人黃朝光子正齋敬小像并其書至京師求編脩劉
球作傳稱其与夷齊當不朽且私謚之曰忠貞馬
都尉郭鎮卒鎮開國初功臣武定侯郭英之子卒
贈營國武襄公伯父子興亦以開國功封翠昌侯追
封陝國宣武公姑高店廟妃二女弟為遼郢二王妃鎮
以勲戚子弟姿貌潔修儀正詳謹朝謁之際太祖屬目
洪武己巳選尚永嘉公主時年甫十七好李工詩
熟于禮度每命練兵綜事恭勤不懈帝即位命賞

遼東兵事竣還中途疾作至京不能朝 帝令醫治
勿痊卒于賜第輟朝三日歛葬皆遣官賜祭諸王亦
遣祭奠定襄伯登者鎮姪也國朝一門為公侯駙馬
伯者惟郭氏云 以中軍都督府事宗晟充總兵官
鎮守甘肅 晟父朝用兄國興皆起定遠田間累有
開國功朝用官至右督國興以總管戰歿南臺晟承
兄官克徵寧征關陝三鎮涼州進官督府洪武庚午
制克總兵官征哈密者去肅州千餘里虜州城也晟
誅其偽王子別立法等三十餘人獲衆千五百人金
印一銀印二送京師所得馬牛羊咸給將士議明年

征罕東西番擒誅七千五百餘人獲馬二千五百牛
羊十萬遂還京師甲戌調中府克副總兵討遼東邊
寇戰腦溫江大捷明年平廣西并像諸寨文明年總羽
林八軍平五開平里十三洞戊寅率師城萬全諸衛
還京 己卯以晟久居涼州回番畏服遂克總兵官
出鎮甘肅靖難後來朝進左都督授平羌將軍復任
永樂乙酉諭降虜酋把都帖木兒倫篤倪灰邊境底
寧命徐都督膺趙尚書和 節即里中封西寧侯子
琥瑛尚安 成寧公主皆為駙馬都尉琥嗣侯有罪
改命瑛免官民債舍月錢 洪武中凡無舍者官自

奏吏校人等且告並從錦衣衛同兵馬司撥與在市
廊房居住月收債錢視毀者工部修理至是悉免月
錢令戶工二部同管既而戶部尚書郁新謂事不歸
一奏令二部專管行五城兵馬司取勘見數凡遇官
民告討房屋以兵馬查勘即與撥住 令政憲兩司
糾察屬吏 以戶部右侍郎夏原吉等充採訪使巡
行天下 侍郎夏原吉給事中徐思勉等二十四人
同日拜命充採訪使分巡天下問民所疾苦賞廉平
吏出貪墨不職者皆得以便行之原吉在福建號
祿寬平未幾移鎮蘄州思勉華亭人尋擢山東按察

僉事

草松潘衛

詔求賢

自守令以上皆得荐

舉

京師地震

詔求直言敢諫

三月丁亥帝祀孔

子于太學

駕至文廟祀先聖先孔子拜跪盥獻用

享庙社礼畢御藝倫堂見師生賞幣鈔有差二月草

汝寧府新蔡縣儒學訓導二員 陞布政司為正二

品堂上陞一級 七日草福州府福寧縣河泊所

九日草應天府及各府照磨所檢校一員

於是應天

蘇州松江鳳陽淮安杭州紹興金華武昌荆州貴州

衡州長沙開封河南彰德懷遠南陽南昌臨江表州

吉安撫州西安延安濟南兗州萊州登州東昌青州

太原平陽大同北平大名慶州成都重慶福州府凡

四員

五員

萃徽州及各府照磨所同獄司于是天下各府照磨司獄司並萃

十二日改儀真縣清江閘為清江堤 十三日改開

封祀縣清溝馬驛為雍丘馬驛祥符縣時和馬驛為

陳留縣清城馬驛雅川涉平馬驛為葵丘馬驛 萃

贛州府上館驛 十四日以散騎散人張成等七十

一人為延海巡檢吏部卷內載錦衣衛校壘全賫選部選除

以前監生傅以莊為山東南河縣知縣 以莊舊名

中為監生 洪武中以極刑家屬放為民至是萃保

選除後永樂二年考滿 十八日改陝西山西甘肅

行太僕寺主簿為典簿改鴻臚主簿為典簿 二

十日定廣惠庫舊鈔免進天財庫就庫收放立廣惠

庫勘合并底簿 二十二日燕王還國 二十四日

萃漢中府畧陽縣并儒李 謫監察御史尹昌隆為

福寧縣知縣尋召還官 昌隆上疏言奸臣專政陰

盛陽微謗見于天是以地震執政者惡之斥知福寧

縣 帝初即位大臣相訐奏者命各道鞠之同官皆

畏縮昌隆獨不避一繩以法巡閩中去貪苛理冤獄

所至風裁凜然還朝上疏言當節民力謹嗜欲動政

治務正李不報比落職福寧益以清勤自勵俄坐使

巫呪咀下獄得白還職 遣叅將宋忠屯兵間平都

督徐凱練兵臨清都督耿璫練兵山海關 忠之屯
開平也調沿返各衛馬步官軍三萬選燕府護衛精
壯官軍悉隸麾下其護衛胡琦指揮閔童等悉送入
京調永清左衛軍于彰德右衛軍于德州以防燕也
四月四日改揚州府泰興印莊巡檢司為新河巡檢
司 增置通津巡檢司 六月革都察院右都御史
僉都御史各一人止設都御史副都御史僉都御史
各一人 八月革留守左右等衛聚寶等門千戶所
并各門吏目 九日改和州牛屯巡檢司為新河口
巡檢司革浮沙口巡檢司 革彰德府涉縣偏店巡

檢司 十二日革烏撒軍民府同知一人推官一人
知事一人 十六日改通政司為通政寺改使為通
政卿左右通政為左右少卿左右叅議為左右寺丞
經歷司為典簿知事為錄事增置左右補闕左右拾
遺各一員 十七日分太常寺少卿寺丞為右左陞
寺丞扶正五品分鴻臚少卿寺丞各為左右少卿正
五品鳴贊序班改正九品 十八日分陝西山西甘
肅行太僕寺少卿寺為左右 二十四日革開封府
考城柘城延津寧陵四縣儒學訓導各一員
革延平府順昌縣仁壽巡檢司 二十八日立鍾山

祠祭署設奉祀祀丞各一員 萃南丹衛以其官軍
附慶遠衛 湘王栢有罪自殺自除 湘王謀逆事
竟守臣奏之且以兵衛王城栢窮蹙縱火焚其宮室
美人已面乘馬執弓躍入火中死貼黃冊有是月荆
州護衛沒所鎮撫王音逮赴京師調廣東廉州欽州
千戶所齊王榑有罪廢為庶人青州中護衛指揮柴

真伏誅

青州護衛軍皆曾名深告王謀反 柴真

鞠寔極刑遂廢榑為庶人出貼黃冊按是年七月詔
書稱榑謀反辭連湘王相先已自焚死廢榑為庶人
據此當自湘王反後 以茅大芳為副都御史大芳

揚州泰興人博學能詩文為宗党所重洪武間以儒士應
辟典教淮南考績入朝高廟召對悅之擢秦府長史
且勉以董子輔相之業賜賚期待者甚隆大芳以為
特受隆遇懼無以稱聖天子眷知之恩益自感激諫
諍弥篤得大臣体未踰年奏國祚治國書揭其正堂
田希董之堂以章聖訓且著其志方孝孺為之記稱
其志意偉然廓大和雅而不諂深有得于正誼明道
之旨革除間累官至副都御史靖難師起嘗以詩寄
梅殷曰幽燕消息近如何聞道將軍志不磨縱使大
龙蟠地軸莫教鉄騎過天河闕中事業蕭丞相塞土

功勳馬伏波老我不才無補報西風一度一悲歌蓋此
燕兵初起為鉄絃所拒尚未至淮時壬午八月十七
日與其子順童道壽皆戮死永樂四年十二月初子
文生亦誅焉 以右補闕胡閏為大理左少卿

閏字松友饒州都陽人李博行修素以惠直自許初
太祖征陳友諒時謁吳芮祠壁間有閏題竹詩曰幽
人無俗懷寫此蒼龍骨九天風雨來飛騰作靈物

太祖嘆賞久之陰記其姓名洪武中以有荐辟至闕
下上識之曰此題詩都陽廟者也拜都督府經歷草
除間迂右補闕進大理^寺右少卿靖難兵定京師閏時

坐誅戮子傳道誅死次子傳慶等俱戍邊衛妻汪氏
女二人俱配象奴郡志稱其忠貞鯁直節行聞天下
云又聞諸其隣人云一女後婦貧無所依閏里競以
錢米結之曰此忠臣女也旬日饒足節行之感人如
此嘉靖二年提李副使邵銳立祠祀之

北平按察使陳瑛有罪安置廣西 瑛字

人歷洪武至草除年初為北平按察使坐交通藩邸

謫廣西 太宗即位首召為都察院右副都御史怨

建文諸臣最深 上為帝允炆輟朝五日瑛請滅之

上下從尋抗奏黃觀廖昇王叔英周是脩王良願伯

瑋皆背逆宜追戮之 上曰朕初舉義師誅奸臣不
過齊黃數輩等後來二十九人中如強沈王純鄭賜
黃福尹昌隆皆宥而用之今汝所言數人况有不是
二十九人之數者彼食其祿自盡其心悲置勿問蓋
上初入京師昇及自修自縊死良在官閤家自焚死
先是 上兵至沛縣伯瑋不肯下与其子俱死現時
守安慶投江死 叔英守廣德自縊死後瑛閱方孝孺
等獄辭遂錄其妻女皆將給配現妻出通濟門先拚
其二子于河遂自沉死叔英二女皆就錦衣獄俱赴井
死其違命忍心如此後竟以羅織苛刻得罪誅至決

熙諸臣宗族皆釋還田里天順中英宗有釋建文庶
人之田孝宗朝有建言欲繼絕褒忠者于是瑛之罪
益不可掩矣 穆恭字思

敬號守謙台州人李古行高晚年赴京建言列為六
事上之其曰紹絕屬者請封建庶人後也既入通政司官
大惧遂拘苗而勅奏之賴 上聖明不之罪特勅有
司遣之王古直作詩贈其行 追贈翰林侍制王禕
為李士謚曰文節 禕洪武中使雲南死因事
五月一日草贛縣黃金稅課局南安府南昌潭口稅
課局 四日增置臨洮府金河縣濟遠倉 七日草

鎮江府甘露堤省瀕新港堤官一人 于二日草東
昌府臨清州會同開 荊州府登云驛省夷陵州
安遠縣李訓導二人 十四日改錦衣衛千戶徐斌
于蘇州衛庚辰斌從蔡指揮捕賊常州有功受賞
二十一日草東昌府聊城縣李海務開 選補天下
儒李官員 先是李官缺以奉人及試中監生通經
儒士補之至是吏部奏缺衆詔令天下凡見任未入
及流官及為事事完軍令已替後但通經者所在訪
奉試用其後二年四月十四日復詔軍司軍士軍餘凡有
通經者軍官奉送布按二司試中送用 二十二日

草萊州府掖縣柴胡寨膠州逢猛即墨縣柘、島三
巡檢司改襄陽府鈞州江口巡檢司置郿縣馬昌口
巡檢司 二十三日草登州府海寧縣州乳山寨文
登縣辛溫察溫泉鎮福縣大川鎮黃縣馬停鎮蓬萊
縣楊家店高山招遠縣鎮東良海口萊陽縣行村寨
凡九巡檢司 二十六日草鄂武府建寧縣河泊所
二十七日省廣州府連山縣以其地入速州
以監察御史戴德彝為左拾遺 德彝寧波奉化人
洪武甲戌進士第三人入翰林院為編修甫三載陞
侍講 上諭之曰官翰林者難以論思為賤然既列

近侍旦夕在朕左右凡国家政治得失生民利病當
知無不言者昔唐陸贄崔群李絳之後在翰林皆能
正言讜論補益當時顯名後世爾盍以古人自期待
哉德彝与侍讀張信皆頓首謝由是感奮所以称
上意拾遺補闕以直声振于朝後改監察御史益善
于其職革除年間改左拾遺靖难之師既迫与太常
卿黃子澄吏部尚書張純兵部尚書齊泰翰林侍講
方孝孺御史大夫練子寧大理少卿胡閏宗人府經
厯宋徵戶科給事中韓永等日夕畫策防禦後俱死
雜

